



Акафист

святым Первоверховным апостолам Петру и Павлу

Кондак 1

Избраннии проповедницы А́гнца Непоро́чнаго, за ны заклáннаго, Христа́ Бо́га, пресла́внии Апóстоли Пётре и Па́вле! Я́ко Боговѣдением концы́ ми́ра озарившии и обильне струя́ми благодáти напоившии, и ны́не с любóвию при́зрите на чту́щия усердно пáмять ва́шу. Исполните нас дýха премудрости, сердца́ нáша вѣрою утвердíte, да непрестáнно благодарственная вам поём, со умилéнием зову́ще:

Рáдуйтесь, святíи первоверхóвнии Апóстоли Пётре и Па́вле.

Икос 1

А́нгели благовѣстницы яв́истесь на земл́и, Апóстоли Пётре и Па́вле блажéннии, занé от Самаго́ Виновника спасéния нáшего на дѣлание ва́ше призв́ани б́ывше, широту́ всея́ земл́и обтекóсте, иуде́ом и ёлином Христа́ распя́таго,

Бо́жию Си́лу и Бо́жию Прему́дрость, пропове́дающе. Те́мже и мы, све́том уче́ний ва́ших озаря́еми, се́рдцем и усты́ взыва́ем к вам сицева́я:

Ра́дуйтеся, зве́зды светоза́рныя, от восто́ка возсия́вшия и всем лю́дем путь ко Христу́ показавшия; ра́дуйтеся, Це́ркве Христо́вы утвержде́ние и столпи́ непоколебимии.

Ра́дуйтеся, власть вяза́ти и решити грехи́ на́ша от Христа́ приимшии; ра́дуйтеся, во святы́х писаниих ва́ших к ве́ре и упова́нию на Бо́га вся ны призыва́ющии.

Ра́дуйтеся, в житии ва́шем о́бразы обраще́ния согреша́ющим явившии; ра́дуйтеся, высоту́ любви́ и́стинныя сло́вом и де́лом нам показавшии.

Ра́дуйтеся, святии́ первоверховнии Апостоли́ Пётре и Па́вле.

Кондак 2

Ви́дя тя, апо́столе Пётре, на мо́ре Галиле́йстем вку́пе со Андре́ом, бра́том твои́м, вмета́юща мре́жи, Госпо́дь рече́ вам: «Гряди́та по Мне, и сотворю́ вы ловца́ челове́ком». И а́бие, оста́вьше мре́жи, по Нем идóсте. Те́мже, красотó Це́ркви вселéнския, сотвори́ и нас предста́тельством

твоим скóры быти на дéлание заповедей Бóжих, кóсны же ко греху́, да, злóбою младéнствующе, достígнем вси в мéру вóзраста мýжа совершénна, пою́ще Бóгови: Аллилу́иа.

Икос 2

Разум Божéственный освети́ тя, Пáвле, избранный сосúде Бóжий, егда́, ревну́я о отéческих предáниях, шéствова́л еси́ в Дамáск гонити Цéрковь Христо́ву. Тогда́ бо внезапу сия́ние Сла́вы Господни облиста́ тебе́ и глас бысть с Небесе́: «Сáвле, Сáвле, что Мя гóниши?» Ты же, áще зрénием плотским омрач́ился еси́, но дýхом узрél еси́ Си́лу и Сла́ву Христа́ распя́та, тьму просвещáющая и любóвию Цéрковь Свою́ созидáющая, и того́ ра́ди плен́ился еси́ дýхом, покая́ние и послуша́ние нося́ и глаго́ля: «Гóсподи, что сотворю́?» Посéм, воспри́им жрéбий апóстольства от руки́ Господни и крещéние водо́ю и Дýхом от Ана́нии блаже́ннейшаго, яви́лся еси́ предивно́ сосúд избранный благода́ти и свидéтель немóлчный Спаси́теля на́шего, от Него́же и мы, просвещáемии, пéти тебе́ навькóхом сицевáя:

Ра́дуйся, свéтлосте церкóвная, от Свéта Неизречéннаго на пу́ти пречúдно во откровéние

языков возжженная; радуйся, знамения Силы Божия в житии твоём чудно явивый и тем уста непокоривым навеки заградивый.

Радуйся, сосуде избранный, меньша от Апостол и первого от грешник себе сокрушенно нарекий; радуйся, якоже Херувим тайнозритель, даже до третьего Небесе верою и любовью вознесенный.

Радуйся, якоже Серафим пламенный, ревностию по Боже непрестанно снедаемый и истаеваемый; радуйтесь, Павле и Петре, благовестия трубы громогласныя, основания ветхаго мира, якоже Иерихон второй сокрушившия.

Радуйтесь, святии первоверховнии Апостоли Петре и Павле.

Кондак 3

Сила Вышняго, в немощех познаваемая, излия на тя, Павле, адаманте веры, благодать на благодать, зане неложно исповедовал еси: «Вся могу о укрепляющем мя Иисусе». И воистину проповедал еси Евангелие во явлении Духа и силы, творя великая и неизреченная, славная же и ужасная, яко не ведущи Бога Боговедению

научахуся, сердца ожесточенная елеем милосердия напаяхуся и вся овцы расточенныя во ограду Пастыря Единого отвсюду стекахуся, Емуже и пети согласно научишася: Аллилуиа.

Икос 3

Имея дерзновенную любовь ко Господу, шествовал еси, Пётре, по водам воздвигаемым, яко по суху. Но аще и потоплением был еси устрашаем и сомнением обуреваем, не потопился еси в пучине, понеже простёрл еси рuce и очи ко Спасу, вопия Ему из глубины сердечныя: «Господи, спаси мя». И в той час руку помощи восприял еси от Христа, Избавителя нашего. Тако и мы в сей юдоли земней, бедами устрашаемы и волнами страстей потопляемы, взирающе на течение твоё, к тихому пристанищу добре нас наставляющее, благодарственно воспеваем ти сице:

Радуйся, каменю веры многоценный, от Камене Краеугольна избранный и утверждённый; радуйся, храме Духа Святаго, многоразличными дарованьями от Того преизрядно украшённый.

Радуйся, рыбарю препростый, премудрости Божия исполненный, ейже от человек никтоже

проти́вится мо́жет; ра́дуйся, самови́дче вели́чя Бо́жия, па́че царей и сла́вных земли́ от Го́спода на вся ве́ки просла́вленный.

Ра́дуйся, ха́ртие одухотворе́нная, в ню́же о́гненными письме́ны сло́во Бо́жие вписа́ся; ра́дуйся, с Па́влом апо́столом свети́ло равноче́стное и незаходи́мое.

Ра́дуйтесь, свя́тии первоверхо́внии Апо́столи Пе́тре и Па́вле.

Кондак 4

Бу́рю лю́тых искуше́ний воздви́же дре́вле човекоуби́йца, искони́ иски́й Це́рковь Бо́жию потреби́ти и ученики́ Спа́совы, я́коже пше́ницу, разсе́яти: но Го́спо́дь моли́ся о тебе́, Пе́тре, да не оскуде́ет ве́ра твоя́. И та́ко, от Спа́са просвеща́емь и от Него́ в немо́щи укрепля́емь, вои́стину сокруши́л еси́ че́люсти вра́жия и обра́щя утверди́л еси́ бра́тию твою́, поя́ Бо́гу: Аллилу́иа.

Икос 4

Слы́шаще, Па́вле премудре, о дивне́м избра́нии твоём, во е́же возвести́ти и́мя Го́спода Иису́са наро́дом и царём и сыно́м Изра́илевым, и ви́дяще тя в сло́ве, в житии, в любви́, в ду́се, в

вѣре, в чистотѣ, якоже свѣта языком во спасѣние их поставлена, невѣрнии вѣрою просвещахуся, вѣрнии же, ликовствующе, Господа прославляху. Темже и мы, сорадоватися заповедь приѣмше, приносим ти гласом радования таковая:

Радуйся, вѣрный служителю Христов, вся славная мира якоже сор и прах вменимый и всем себе поработивый Христа ради и Евангелия; радуйся, добрый воине Христов, во вся оружия Божия облеченный и вся языки в послушание Христово покоривый.

Радуйся, жертво приятнейшая, Христу сораспѣнная, Христа ради по вся дни умираючи приобщиющая; радуйся, сеятелю слезами многими, узнице и исповѣднице преславный, язвы Господа Иисуса Христа на теле твоѣм радостно носивый.

Радуйся, славо и похвало Цѣркве Вселенския, позорище мiрови бывый, глад, жажду, наготу, биение и поругание за Христа многочастне претерпѣвый; радуйтесь, Павле и Пѣтре, Апостолов украшение, миру благовѣстницы, Цѣркве утверждение.

Радуйтесь, святii первоверховнии Апостоли Пѣтре и Павле.

Кондак 5

Боготѣчная звезда явился еси, Пáвле, егда течѣние твоѣ, пресвѣтло начѣн от Дамáска, да́же до Рíма простѣрл еси и, я́коже прѣжде звезда́ от восто́к научи́ волхвы́ клáняться Со́лнцу Прáвды, си́це и ты, Богомúдре, путь ко Христу́ показáл еси́ всем, хотя́щим достíгнути спасѣния, взыва́я со дерзновением мно́гим: «Подража́тели мне быва́йте, я́коже и аз Христу́». Ему́же и пѣти научи́л еси́ нас еди́ными усты́: Аллилу́иа.

Икос 5

Ви́дев на горѣ Фавóрстей Сла́ву Единоро́днаго от Отца́, оде́яна Свѣтом, я́ко рíзою, хотя́ща же за ны облещися в рíзу поругáния, глаго́лал еси́, Пѣ́тре, Иису́сови, провída сла́ву несказáнную искуплѣнных Кро́вию А́гнца Непорóчна Христа́: «Гóсподи, добро́ есть нам зде быти». Сего́ ра́ди и мы, рóди да́льнии, лишѣни чистоты́ светозáрныя, а́ще и недостóйни сýще, обáче твои́м а́нгельским гла́сом призвáннии к насле́дию нетлѣ́нну, чíсту, неувяда́ему, соблюда́ему на Небесéх, я́коже о́бщницы хотя́щей откры́тися Сла́ве, воспева́ем ти си́це:

Ра́дуйся, блаже́нне, от Присносу́щныя Исти́ны досто́йно «блаже́н» нарече́нный; ра́дуйся, би́сере предоб́рый, от Го́спода при э́зере обрете́нный и све́том от Све́та осия́нный.

Ра́дуйся, от Сама́го Иску́пителя ро́да челове́ча на про́поведь Ева́нгелия посла́нный; ра́дуйся, вои́стину лове́ц челове́ков яви́вшийся, ты бо, я́коже и пре́жде, благода́тию влече́ши ду́ши омраче́нные в чу́дный Свет Христа́ Бо́га.

Ра́дуйся, исто́чнице животво́рный, от Исто́чника жи́зни ве́чныя истеки́й и от бога́тства да́ро́в Ду́ха Свята́го жа́ждущия ду́ши напо́яй; ра́дуйтесь, Пе́тре и Па́вле, я́коже Серафими́ шестокрила́тии, у Престо́ла Царя́ Сла́вы па́рящи и ко све́ту Та́ин Бо́жиих при́ница́ющи.

Ра́дуйтесь, свя́тии первоверхо́внии Апосто́ли Пе́тре и Па́вле.

Кондак 6

Пропове́дник немол́чен и по сме́рти тво́ей, Пе́тре Богоно́сне, яви́лся еси́, зане́ с не́ба мы́сленнаго, я́коже гром та́инственны́й, о зва́нии христиа́нством много́разли́чне напомина́еши. Мы́ же, ве́дяще лю́бовь твою́ николи́же

отпадающе и молитву о нас непрестанно у Престола Божия деему, поем сердцем умиленным: Аллилуиа.

Икос 6

Воссиял еси, Павле великоимените, знаменьями и чудесы вскоре, отнедеже Дух Святыи во Антиохии повеле ти начати превеликое служение Апостола языков: таже, достиг Кипра, Елимы волхва зрение омрачил еси и Сергия проконсула светом истины озарил еси. Сподоби и нас, света сего причащшихся, прославити дивная дела твоя в песнях и пениях духовных и воспевати тебе таковая:

Радуйся, свете сердец кротких и разумных, яже, яко дойлица, грееши и пестунствуеши писаньями твоими Богодухновенными; радуйся, желе наказания, сосуды лжи и лести до конца сокрушай, сердца же сокрушенная на недвижимем камени веры воздвизай.

Радуйся, Христово Евангелие в себе воплотивый и сего ради превыше видимых вознесенный и прославленный; радуйся, уста медоточная, радость многую Апостолом и верным возвестившая, яко отверзе тобою Господь дверь спасения всем языком.

Ра́дуйся, ревни́телю по Бо́зе, но́вый Или́е, не на чужде́м основа́нии созида́й и ре́вностию тво́ею страны́ да́льняя обтека́й; ра́дуйтеса, Па́вле и Пе́тре, весь мир между́ ва́ми раздели́вшии, во е́же о́вому у́бо быти Апóсто́лу язы́ков, друго́му же пропове́дати наро́ду избра́нному.

Ра́дуйтеса, свя́тии первоверхо́внии Апóстоли Пе́тре и Па́вле.

Кондак 7

Хотя́ и́стину утверди́ти и мир Це́ркви огради́ти, пришёл еси́, Па́вле, побóрниче пра́вды, во святы́й град, в нёмже на собра́нии святы́х Апóстол и ве́рных свиде́тельствовал еси́ вку́пе с Петро́м и Варна́вою, я́ко Дух Святы́й ды́шит, иде́же хо́щет, да́руя благода́ть Свою́ незави́стно иуде́ом и е́ллином и ве́рою вся спаса́я, а не ме́ртвенными де́лы ве́тхаго зако́на. И та́ко войи́стину вси ве́рнии, свобо́ду и мир получи́вше, сою́зом любве́ связу́еми, благода́рственно воспева́ют Бо́гови: Аллилу́иа.

Икос 7

Новаго архангела, провозвѣстника тайны, от вѣка сокровенныя, избра́ ты, Апостоле Пётре, Господь, егда́ вопроси́ ученики́ Своя́: «Вы же кого́ Мя глаго́лете быти?» Ты же, от Отца́ Небѣснаго просвещаем, возвести́л еси́ несомненное основаніе нашея вѣры, глаго́ля ко Спа́су: «Ты еси́ Христос, Сын Бoга Живаго». Того́ ради и мы, чтуще́ ты, яко́ надежду́ нашего спасенія неприкровенно исповѣда́вша, взываем ти тако́вая:

Ра́дуйся, Синаю́ но́вый, скрижа́ль спасенія лю́дем ясно показавый и свободу во Христѣ возвестивый; ра́дуйся, первоположенны́й от Архите́ктона Небѣснаго ка́меню вѣры и исповѣдания, на нёмже Цѣрковь Христо́ва необоримо основася.

Ра́дуйся, первопоставленный вратарю́ вхо́да райскаго, ему́же пѣрвее обеща́ся Господь да́ти ключи́ Ца́рствія Небѣснаго; ра́дуйся, суди́е пра́ведный, имый́ суди́ти с прoчими Апосто́лы обемана́десяте колѣно́ма Изра́илевома.

Ра́дуйся, яко́ очеса́ и ушеса́ тво́я блаже́нная Христа́ Спа́са нашего, Его́же лицезрѣти проро́цы пла́менне жела́ху, во плoти́ су́ща на землі́ видѣша и слы́шаша; ра́дуйтесь, Пётре и Па́вле,

имѹщи но́ги благовѣствованія красне́йшия и сердца́ освяще́нная, вы бо Евангелию послужите и евангельски пожисте.

Ра́дуйтеся, свя́тии первоверховнии Апостоли Пётре и Па́вле.

Кондак 8

Стра́нное чу́до и неудобь разумева́емое яви́лся еси́, Пётре, му́дрствующим земна́я, я́ко незнатна́ мира и уничиже́на избра́ тя Госпо́дь, и посрамил еси́ му́дрыя, одоле́л еси́ ца́рства, привёл еси́ сонмы омраче́нных ко Свѣту Истины, и доны́не, я́коже столп о́гненный, озаряеши вся земно́родныя, указу́я несомне́нный путь во блаже́нное Оте́чество. Сего́ ра́ди, бога́тству благода́ти в тебе́ дивя́щеся, поём Бо́гу: Аллилу́иа.

Икос 8

Всем был еси́ вся, Па́вле, любо́вию всех объе́мля, сло́вом спасе́ния да́льних и бли́жних достиза́я, ве́рою вся превозмога́я: зане́ и в Фили́ппех, мир благовѣству́я, а́ще и па́лицами би́ен был еси́ лю́те и в темни́цу во око́вах ввержен, но воспѣл еси́ та́мо вку́пе с Си́лою песнь чу́дную хвалы́ и благодаре́ния Бо́гу, И́же и возгреме́ рабо́м Свои́м тру́сом ве́лиим, я́ко и

основания темничная поколебашася и двѣри отверзошася. Мы же, видяще тя, премудре, тьму узилища свѣтом Боговѣдения озаряюща и свободу о Христѣ узником подающа, воспеваем ти сицевая:

Радуйся, узниче Христов, темницу во храм претворивый и узами твоими демонов цепи людем разрешивый; радуйся, сильне, немощи немощных понесый, не себе, но ближним угождати иский.

Радуйся, пречудне, узами и скорбми хваливыйся, радоватися с радующимися и плакати с плачущими научивый; радуйся, умерый греху, но присно живый Богу, тебе бо жизнь Христос и смерть приобретение.

Радуйся, образе неусыпнаго делания, задняя забываяя, в предняя простираяя и всем помышлением к почести вышняго звания текий; радуйтесь, Павле и Петре, даже до смерти мученически Господу послужившии и сею, яко венцем, подвиг ваш венчавшии.

Радуйтесь, святии первоверховнии Апостоли Петре и Павле.

Кондак 9

Вся ко Христу́ приводя́, возвести́л еси́, Па́вле, во Афи́нех мня́щимся му́дым быти Прему́дрость, свѣше сходя́щую, да, ве́дяще су́етная, отсе́ле увѣдят Бо́га, невидимаго им, и ося́жут Его́, о Нем бо живѣм и дви́жемся и есмы. Те́мже и мы, благода́тию неизрече́нною ра́зум истины восприе́мше и се́рдцем неложно, я́ко благ Госпо́дь, пости́гше, поём Ему́ ве́рою твёрдою, я́коже пе́рстом от Фо́мы, осязу́ему: Аллилу́иа.

Икос 9

Витийствовати не можа́ше язы́к челове́чь, егда́ Госпо́дь Си́л но́зе рабо́м Свои́м умыва́ше и лѣнтием отира́ше. Ты же, Пѣ́тре, стра́хом побежда́емь, а́ще возгласи́л еси́: «Не умы́еши ногу́ мою́ вове́ки», но а́бие весь в послуша́ние преложи́лся еси́, егда́ услы́шал еси́ глаго́л, рече́нный от Го́спода: «А́ще не умы́ю тебе́, не има́ши ча́сти со Мною́». И та́ко всем се́рдцем возопи́л еси́: «Го́споди, не но́зе мой то́кмо, но и ру́це, и главу́». Мы же, ве́дяще тя в сих, я́коже зла́то во огни́ искуше́ния, очища́ема и познава́юще от смире́ния к послуша́нию восхожде́ние твоё, та́инству Бо́жия промы́слѣ-

ния покланяющеся, воспеваем ти сердцем смиренным таковая:

Радуйся, Пётре, очеса орля, имиже зрел еси Солнце Правды — Христа Бога, Иуде нозе умывшаго и от него лобзанием лукавым преданнаго; радуйся, навеки уневестивыйся Христу, ты бо, Агнцу Непорочну, якоже агнец, последуя, до заклания твоего верность соблюл еси.

Радуйся, углю неугасимый, от жертвенника Небеснаго огнём любви Божественныя непрестанно объятый; радуйся, светильниче горяй и светяй, роды родов светом правды озаряй.

Радуйся, грозде многообильный винограда Христова, на радость мира многопечального возвращенный; радуйтесь, Пётре и Павле, Христа Бога в себе верно вообразившии.

Радуйтесь, святии первоверховнии Апостоли Пётре и Павле.

Кондак 10

Спасения во Христе неизследимую пучину и покаяния многую силу явил еси в себе, Пётре, егда трикраты по предреченному отверглся еси

Господа: «Не вем Человека Сего!» Егда клялся и ротился еси во дворе архиерея, но абие, вспомняв глагол Иисусов, вне текл еси, плакася горько. Мы же, умильне взирающе на пресветлый сей образ сокрушения, в научение и обличение жестоковъйных сердец наших дарованный, поем Господу, паки дивно возвеличившему тя: Аллилуиа.

Икос 10

Стена и оружие непобедимое был еси, Павле, противу миродержителей тьмы века сего, яко и царство их в Коринфе, Ефесе и инех градах вселенныя сокрушил еси, тьму многобожия разгоняя и разум истины утверждая. Ты бо неложно показался еси Божий слуга в терпении мнозе, в скорбех, бедах, в теснотах, в ранах, темницах, в нестроениях, трудех, во бдениях, в пощениях, яко и ум наш недоумет изрещи богатство доброты твоея, деннонощныя подвиги со слезами многими. Того ради, зряще море любве твоея, дерзающе молим: услыши нас, убогих, грешными усты глаголющих сицевая:

Радуйся, умерый греху благовестниче непобедимый, яко в себе первее ветхаго человека победив, Христу сораспялся еси; радуйся, учителю

многoплoднoй и волкoв хищных обличителю, яко тобою образ верным показал еси, присно бодрствуя и научая вся сугубо: словом и житием по слову.

Радуйся, всех обогатителю, яко, прежде сам обнищав и ничтоже имый, вся содержал еси; радуйся, о христианех пламенный ревнителю, обручивый я Христу, яко деву чисту, непорочную невесту.

Радуйся, утробо многоболезненная бывый о чадах твоих в муках рождения, дондеже вообразится в них Христос; радуйтесь, Павле и Петре, в Дусе единице согласная во едином граде, верность Христу кровию запечатлевшии.

Радуйтесь, святии первоверховнии Апостоли Петре и Павле.

Кондак 11

Пети и ублажати узы и страдания твоя, Павле многострадальне, достойно есть, яко не токмо в терпении мнозе, но и с радостью предреченныя ти от Агава пророка узы восприял еси, и Церкви Кесарийстей свидетельствовал еси сице: «Не точно связан быти хочу, но и умерети готов есмь»

за імя Гóспода Иисúса». Емúже и мы, дівному во святýх Свои́х, поём песнь: Аллилу́иа.

Икос 11

Свѣтом радóсти неизрѣченныя и Божѣственныя любвѣ осиян был еси́, Пѣтре, егда́ Господь по воскресѣнии пѣрвое прóчих апóстол яви́ся тебѣ, скорбѣвшему. По сих же па́ки явлься, Влады́ка жи́зни вопроси́ тя трикраты́: «Симоне Иóнин, любиши ли Мя?» Ты же, огнѣм Божѣственныя любвѣ опаляем, отвещал еси́ тѣпле: «Гóсподи, Ты вѣси, яко люблю́ Тя». Того́ ради и мы, обнищавшии дýхом, помяну́вше преизобильныя то́ки слез и любвѣ твоея́, ихже ради́ воззва́ тя Господь на прѣжний стѣпень апóстольтва, благоговѣ́йне взываем ти сицевая́:

Радуйся, учителю́ покая́ния, слезами горькими́ высотú смиренія́ стяжавый и Воскрѣсшим от грóба к радóсти неизглаго́ланней на вѣки приобщѣнный; радуйся, премудрости́ глубино́, смиренномудрия́ высотó, пла́меню любвѣ́, образ житія́ всем вѣрным себѣ явивый.

Радуйся, дру́же Гóспода Иисúса, и́го благовѣ́стия рѣвностно понесый, над наследіем Бóжиим господствовати́ не восхотѣвый, но послушанию́ властѣм научивый; радуйся,

Апосто́ле Христо́в, му́дрость зми́ину и чистоту́ голуби́ну в себѣ сочета́вый и о́бразом сме́рти твоея́ на крестѣ́ крайнее смиренному́дрие показáвый.

Ра́дуйся, ра́бе Го́спода ве́рный, умно́живый да́нный тебе́ тала́нт и в ра́дость Го́спода вше́дый; ра́дуйтесь, Пе́тре и Па́вле, сердца́ не тѣсная, весь мир любóвию вместив́шая и концы́ вселенны́я просветив́шая.

Ра́дуйтесь, свя́тии первоверхо́внии Апосто́ли Пе́тре и Па́вле.

Кондак 12

Благода́ть Ду́ха Уте́шителя, излия́вшаяся на главы́ ве́рных во о́бразе язы́ков о́гненных, ско́ро излия́ся из уст твои́х, Пе́тре, глаго́лом о́гненным, во е́же благовестити с си́лою мно́гою Христа́ распя́та не то́чию поги́бшим овца́м до́му Изра́илева, но и язы́честей неплодя́щей це́ркви, да плодоно́сит и сия́ Бо́гови нетле́нный крин чистоты́ и пока́яния. Испроси́ и нам, Апосто́ле досто́блаже́нне, ми́лость Го́спода, творя́щаго то́бою вели́кая и чу́дная, руко́ю твое́ю ме́ртвыя воскреша́ющая и сме́ртию твое́ю на крестѣ́ ме́ртвенную любóвь на́шу воспаменя́ющая, да непреста́нно поём Е́му: Аллилу́иа.

Икос 12

Поюще пресвѣтлую пѣмѣть твою, Пѣвле, достойно ублажаѣм неизрѣченныя пѣдвиги, болѣзни и труды, яже во бдѣнних, во алчбѣ и жаждѣ, в пощѣнних, в зимѣ и наготѣ понѣсл еси. Кто бо изочтѣт рѣны, скорби и бѣды твоя во градах, в пустыни, в мѣри, бѣды от разбойник, бѣды от сродник, бѣды от язык и лжебратии? Кто подобен тебе? Пѣче всех Апѣстол потрудился еси. Тѣмже молим: не возгнушайся нас, грѣшных, молящихся тебе, но якоже всем был еси вся, и нынѣ услыши немощным гласом приносимая ти сицевая:

Радуйся, узниче Христов, из темницы свет распространивый, словом и посланием во узах много потрудивыйся, зане воистину слово Божие не вяжется; радуйся, неизследимая пучино любви, по братии твоей отлучен быти от Христа преискренне восхотевый.

Радуйся, подвижнике предивный, подвигом добрым подвизавыйся, течение совершивый и кровию твоею Церковь украсивый; радуйся, источаяй море чудес, яко главоотяжи и убрूसцы твои недуги исцеляху и демоны прогоняху.

Ра́дуйся, любве́ Бо́жия неразлу́чный прича́стниче, го́рняя му́дрствуяй, а не земна́я, зане́ и от плóти разрешит́ся и со Хри́сто́м быти возжелáл еси́; ра́дуйтеся, Па́вле и Пётре, ве́ры хри́стиа́нския насадите́лие, благоче́стия вода́ми напоите́лие и ко приста́нищу ве́чному ве́рнии водите́лие.

Ра́дуйтеся, свя́тии первоверхо́внии Апóстоли Пётре и Па́вле.

Кондак 13

О всехва́льнии благове́стницы Пётре и Па́вле! Внемлите́ воздыха́нием серде́ц на́ших, моля́щиеся за ны, мно́го бо мо́жет моли́тва пра́ведных пред Бо́гом: потщит́ся и ны́не воспомина́ти нам о небе́сном зва́нии и хри́стиа́нстей кончи́не жи́зни на́шея, привлецы́те нас ко сла́дости ева́нгельския исти́ны, свяжите́ у́зами любве́ Хри́сто́вы, да мы вси, отве́ргшеся нече́стия и мирски́х по́хотей, вни́дем в ра́дость Го́спода на́шего, пою́ще Ему́ со А́нгелы и с ли́ки святы́х: Аллилу́иа.

Этот кондак читается трижды, зате́м 1-й икос «А́нгели благове́стницы...» и 1-й кондак «Избра́ннии пропове́дницы...».

Моли́тва

О пресла́внии апо́столи Пе́тре и Па́вле, ду́ши за Христа́ преда́вшии и кро́вию ва́шею па́жить Его́ удобри́вшии! Услы́шите ча́д ва́ших моли́твы и возды́хания, се́рдцем сокруше́нным ны́не приноси́мья. Се бо беззако́нныи омрачи́хомся и того́ ра́ди беда́ми, я́коже туча́ми, обложихомся, е́лея же до́браго жити́я обнища́хом зело́. О си́льнии! Понесите не́мощи на́ша, не отлуча́йтесь ду́хом от нас, да не разлучи́мся вконе́ц от любве́ Бо́жия, но крѣпким заступле́нием ва́шим нас защити́те, да поми́лует Госпо́дь всех нас моли́тв ва́ших ра́ди, да истреби́т же рукописа́ние безме́рных грехо́в на́ших и да сподо́бит со все́ми святы́ми блаже́ннаго Ца́рствия и бра́ка А́гнца Своего́, Ему́же честь, и сла́ва, и благодарѣ́ние, и покло́нение во ве́ки веко́в. Ами́нь.



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

†

НОВОЕ
* НЕБО